

Studijska posjeta Švedskoj

27.08.2015 15:58



U okviru projekta "Izgradnja kapaciteta za unapređenje zemljišne administracije i procedura u Bosni i Hercegovini", te u organizaciji Državne geodetske uprave Kraljevine Švedske "Lantmäteriet", u periodu od 1. do 4. septembra 2015. godine planirana je studijska posjeta Švedskoj za predstavnike obaju domova Parlamenta Federacije Bosne i Hercegovine te g. Matu Jozića, ministra pravde FBiH.

Državna geodetska uprava za mapiranje, katastar i zemljišnu registraciju Kraljevine Švedske „Lantmäteriet“ je jedna od najstarijih katastarskih agencija u svijetu i postiže značajne rezultate u ažurnosti svojih evidencija i istovremeno je jako prisutna u realizaciji raznih međunarodnih projekata. Nadležne institucije u Bosni i Hercegovini u provođenju reforme zemljišne administracije, a ponajviše prilikom izrade pravnog okvira i zakonskih rješenja kojima je uređena oblast zemljišne administracije, su vođene primjerima Kraljevine Švedske s obzirom na to da je jedna od najuređenijih zemalja u toj oblasti i ima tradiciju dugu oko 400 godina.

Tokom studijske posjete predstavnicima Parlamenta Federacije Bosne i Hercegovine, ministru pravde i direktoru Federalne uprave za geodetske i imovinsko-pravne poslove bit će predstavljena IT dostignuća, pravni okviri i zakonska rješenja kojima je uređena oblast zemljišne administracije u Kraljevini Švedskoj te kako učinkovita zemljišna administracija utječe na ekonomski i društveni razvoj.